



穆考功逍遙園集選卷之九

門人文濟李民質

魏郡敬甫穆文熙著 門人德嚴崔邦亮

關中子興南師仲選 濠梁汝脩朱宗吉校

子仲裕穆光胤梓

詩類八

七言絕句一百五十首

贈楊尚寶請告還豫章二首

漢署風流好佩魚片帆歸去意何如知君不是

柴桑隱為念慈親暮倚閭  
慚余多病滯燕臺羨爾三江一棹迴從今草閣  
年年閉獨有侯巴問字來

程金吾宅對菊二首

天外寒風吹暮曛金吾宅裏花氤氳醉來共向  
花前語搖落于今獨有君

歲晏偏生旅客愁馬蹄何處足優游揚鞭夜過  
金吾第又被黃花一度留

送葉龍塘侍御謫邵陽四首

重來燕市踏紅塵驄馬憐君氣象新一蹠即看  
成遠別寒風冷雨入三秦

昨日崢嶸柱史郎等閑龍劍失光芒春明門外  
客千里不必天涯是邵陽

烽火淮南未罷兵如何汲黯出承明逢人莫話  
榮枯事萬里龍沙月自明

漢主求賢意正殷長沙有日召君還獨憐白髮  
親衰老共入咸陽百二關

冒雨進署口號兼寫歸意

羸馬衝泥感慨多，忍看平地起滄波。江頭却憶垂綸者，風雨年々自一蓑。

秋前一日簡王郎中二首

積雨初晴暑氣收，省中獨坐意悠悠。緘書為報湘南客，明日天涯又是秋。

紫宸朝下解簪衣，公事無多獨掩扉。怪來忽作還家夢，江上鱸魚秋正肥。

得拱辰書二首

曾向風波共一航，于今兩地作行藏。書來寄我

相思信，把對燈前欲斷腸。

多病慚余負歲華，漆園君自領烟霞。青山不用頻招隱，已買枚乘八月槎。

觀戲示王郎中汝文

玉玦為盟事杳茫，燈前且莫笑平康。請看湖海交遊者，何處人情不戲場。

送任駕部出守泉州四首

燕臺八月欲飛霜，慘澹驚風斷鴈行。馬度孟門休按轡，人間不復有羊腸。

平沙蔓草咽秋蛩立馬相看意轉濃贈爾自須  
雙寶劍莫教風雨暗芙蓉  
當日長沙吊賈生八壺今此送君行青天有月  
秋來滿不為人間照別情  
話到傷心意黯然秋風秋雨促征鞍如何易水  
長城外重見荆卿洒淚年

題東泉新栽竹

年來種竹已盈隈開徑重看手自栽只恐竹成  
留不住九重時有鳳凰來

題六月紅蓼

長夏開尊足勝遊園亭暑氣未全收不知紈扇  
頻揮處紅蓼稍頭已報秋

俠士行贈曹茂才

頓立曹子志何豪對酒能談白豹韜自媿山人  
無可贈匣中舊有呂虔刀

戒李齊卿嗜酒

吾黨傳君有異郎龍媒出水勢昂藏豈應早荷  
劉伶鍾斷送春花滿樹芳

園中王松莊到題扇

園亭長夏自優游竹下忻逢王子猷怪來一翼  
全消暑話到山陰雪滿樓

戲題扇贈求仙者

幾載求仙不見仙顛毛種種總堪憐若教指與  
真仙路只在青松白石間

贈部母節孝七首

機杼年々占早霜猶憐白髮倚高堂  
菽水慇懃勞供養不堪梧葉下銀床

一自哀絃罷紫桐年々砧杵急秋風高堂人卧  
雙孤冷何處明月切斷鴻  
紅淚啼殘白髮生熊丸薪水兩相成此中辛苦  
那能識六十年来夜半檠

伯玉祠前阿母家離々秋草漫平沙物情似為  
徵人事萬樹垂楊棲暮鴉

黃鵠歌殘恨未窮蕭條門巷咽秋蟲於今不負  
從前苦有子能乘鮑氏驄

歷罷冰霜鬢已秋天書遙下鳳凰樓芳名一派

黃河水不盡潺湲萬古流  
銀榜朱題結紫霄綱常從此振孤標比干祠下  
千年樹未許霜枝獨自喬

九日東園王生携琴飲籬下二首

花滿東籬月滿天重陽薄暮敞秋筵王弘載酒  
陶潛宅醉把黃花帶月還

庭前松桂影森々淒斷鳴鴻度遠林九日誰言  
秋色老陽春猶自落瑤琴

拱辰着彩衣習魚戲贈二首

曾於鰲禁捧絲綸一棹歸來作散人門前碧水  
秋常滿還向磯頭捕錦鱗  
水滿陂池靜不流魚習長日坐消憂物色祇因  
傳故事子陵不敢着羊裘

贈計部郎赴南都四首

故園才喜晤同袍又見天南擁去旄莫向清時  
憐薄宦從來國計重留曹

龍盤虎踞帝王州城下春江遶岸流省郎到日  
無多事彩筆憑君紀壯游

倉皇千里可辭勞到處風雲擁傳高更向六朝  
論意氣故人誰復似山濤

濁酒清燈黯不禁雲山千里別同心明朝二月  
東城外黃鳥關關自故林

贈張弘軒都諫出叅晉省二首

馬度恒山萬嶺西天涯何處為招携玄都莫道  
花如錦一日東風盡作泥

邯鄲門外古叢臺當日繁華安在哉好將阮籍  
雙白眼遙天夜々看三台

憶省中故人五首

病起扶藜到水西書樓獨上俯丹梯桃花過雨  
忽零落何處逢人問武溪

百尺高臺帶碧溪同心載酒日招携春光即此  
堪吟眺悔向桃花深處迷

榮枯世事竟誰陳生死恩深感故人匣劍憑陵  
燕月色風雷何處是延津

萬里無心對草萊天邊雲樹總堪哀署中幾種  
天桃色曾是當年手自栽



道遠園集選 卷之九 三  
解組歸來髮欲華  
後今萬事付烟霞  
故人不用憐生計  
已種東門五色瓜

送竇廣文陞王官乞歸

鼓瑟王門事可嗟  
即看長嘯引歸車  
後今夜雨談經地  
冷落春風首帶花

寄京中友人二首

往事回看盡可哀  
黃金駿馬等塵埃  
定知此日東風裏  
春草淒迷樂毅臺

當日悲歌行路難  
君從彈鋏識馮驩  
可憐無限鼎知意  
都付西山月影寒

仲春與楊文學留別

載酒尋春春尚遲  
滿林初見杏花枝  
不堪對酒看花處  
又是河梁餞別時

王子至自越話舊

千里孤帆賦壯征  
春風幾日過杭城  
定知歌管年々在  
羨尔中流采杜蘅

題扇面吹笛

半江綠水染寒烟  
柳色陰々覆釣船  
一片閑情

共誰語笛聲自弄午風前

寄蔡二憲副

彈鋏歸來念已踈  
春風日卧酒家胡  
醉中何物  
人間世天上虛  
勞有謗書

燕丹當日客如雲  
環柱鼎恩志已勤  
七首千年  
還在否邯鄲  
重欲問徐君

上高相公四首

功名十載著華夷  
白髮投簪願已遲  
最是  
君  
王憐相國不教力  
盡鳳凰池

當年鳴玉冠  
朝班社稷功  
成拂袖還  
乾坤不斷  
燒丹火大藥  
成時好駐顏

豐草長林處  
宜扁舟何必問  
鷓夷好將無限  
心間事都付  
平臺一局棋

玄冬窳歷壽筵  
開門下何人  
共舉杯醉裏  
從教  
賓客去一天  
明月在平臺

王山人有所思詩以戲之

窈窕池塘暑氣清  
坐來雨意更冥冥  
流鶯別樹  
歸來晚腸斷  
梧桐葉上聲

曹茂才過余其人翻々然豪士也賦此為贈

贈君寶劍復雕弓馬上橫稍意不窮却笑燕丹空結客荆軻猶未是英雄

聞拱辰符卿至自京志喜四首

漳水燕山道路賒相思常苦暮雲遮到來不必論時日三見庭前木槿花  
侍從天邊久佩魚相思何日不躊躇馬蹄見說歸來早起向庭前罷著書

風雨連宵太可傷閉門終日坐匡床怪來春意沾々煖明日知君到野堂  
爾自冠簪我自簔各天消息定如何海棠花落庭堦滿不抵別來愁緒多

寄呂潭西侍郎

頓丘南下有高臺繾綣當時醉酒杯此日應知春草徧主人送客不曾來

王陽谷太守至東明觀學枉駕草堂二首

郡閣相望道路賒玄冬重枉使君車到來一鼓

陽春調盡入宮墻桃李花

青春別後夢魂勞  
貫酒重來解佩刀  
莫把升沈論世事故  
人依舊自山濤

題乾山卷二首 乾山山西山也

幾年為客滯江關  
夜々汾陽有夢還  
卷裏盡圖君莫看  
斷人腸處是家山

楓葉離々秋色斑  
斷崖直下走潺湲  
十年怪尔并州客  
猶記乾山是故山

端陽日憶拱辰入關二首

銀漢孤槎去未迴  
定于華頂賦崔嵬  
他鄉不共菖蒲飲  
枉殺蓮花十丈開

又

雨過林塘暑氣微  
閒情長日坐漁磯  
芰荷水面闌干長  
憶爾來時好製衣

南樂陳子夢得明珠沾々然  
有生男之喜詩以調之

寶瑟朱絲幾度殘  
庭前高下長琅玕  
明珠入夢君須喜  
好念從前二子寒

又上高相公六首

三朝國事舊平章  
投老結廬汴水陽  
聞道嵩山佛意好  
好好將心事問空王

千里龍沙夜色空  
汾陽堂上酒顏紅  
中原見說新兒女  
盡是從前借筋功

解印歸來歲幾經  
角巾常傍少微星  
山中宰相無塵事  
鳳沼年々草自青

兔園南望踞迢迢  
何日相從問寂寥  
酒杯吸盡黃河水  
千古閒愁一醉消

甲子初迴鬢未斑  
杖藜隨處聽潺湲  
不緣詔許歸田計  
林下何知宰相閒

去國寧歌行路難  
老臣不改寸心丹  
太平但願長無事  
翻恐淮淝起謝安

贈王總戎四首

銅柱高標海氣雄  
滇南萬里入花風  
當時蕙苾讒何在  
依舊人稱馬援功

曾將匹馬鎮燕山  
又向遐方總百蠻  
南北馳驅遊已倦  
鬢毛猶自未成斑

五利和戎事更難當時謀計總偷安  
玉門秋動牙旗影遲爾還登大將壇

漫向黃河把釣竿征袍空捲百花團  
不知今代麒麟閣大將何人更寫丹

寄潭西呂戶侍五首

鎖闥當日歷風顛林下今逢甲子年  
可向驪龍眠處看幾人滄海得珠還

十載投簪鬢未皤淇園春酒足吟哦  
漢家若欲標銅柱矍鑠還須馬伏波

五畝園成漫草萊耽幽翻喜路無媒  
年々綠酒饒春事莫問桃花幾度開

憶昔高臺酒不停別來何處覓儀刑  
傷心最是臺前草又逐年光一度青

瓊瑤惠我調逾工讀罷深知感慨同  
千古升沈堪涕淚一尊聊對落花風

雨後二首

海棠歷亂雨初晴  
蛤々黃鸝傍樹鳴  
過耳不知時物變  
閉門常草太玄經

亂紅擁砌落花多莫向庭前感舊柯春風不斷  
幽人賞洞口還為長薜蘿

晚春遊拱辰郭外墅有懷二首

主人幾載未還家院宇荒涼草樹遮鶖鴂教殘  
春已暮庭前落盡小桃花

高臺一上獨支頤正是春光欲暮時花落臺前  
芳草合王孫猶自滯天涯

送王子還越三首

千里風塵一劍隨三江南下片帆垂何當携我

西湖去共向中流訪子皮

鶴背搏風未可留歸期預擬在高秋湖山容易  
成來往信是前身王子猷

王子南歸清興饒湖邊歌舞駐蘭橈不知彩筆  
題詩處更向蘇公第幾橋

悼亡婢二首

香閨雲黯晚風淒起視層樓月正西花燭尚餘  
人已逝斷腸惟有杜鵑啼

清漏迢迢夜未闌瑤池何事早乘鸞相如豈是

無情者苦樂從來作婦難

輓夏龍泉三首

鳴珂當日並仙郎  
忝作通家最後行  
楚些吟成腸已斷  
不堪和淚洒枵漿

菽水庭中冬日淒  
壠頭寒月向人低  
吊君一洒蒲陽淚  
何限城頭烏夜啼

洛社年來始結盟  
封章計日下承明  
何知早返遼陽駕  
華表白雲空復情

程錦衣寄長幅山水觀之有感三首

古木層岩帶遠津  
逍遙石上幾輪巾  
却笑當年燕市侶  
於今同是畫中人

秋山百丈矗雲中  
野老山腰坐不驚  
懸崖何限羊腸險  
白眼看人險上行

石勢噴岈碧水流  
何人岩畔着羊裘  
千年始悟嚴陵好  
閱盡興亡一釣鉤

庭中對菊

秋色蕭條午日微  
亭中黃菊正芳菲  
花前獨把鐵如意  
笑指無邊木葉飛



贈別王山人四首

草徑時來不厭頻十年聚首見情真於今歸去  
蘭溪里未必鄉關是故人

餞別郊原嗟路岐延津龍劍總無期相思何處  
情偏苦月滿高臺獨坐時

望處秋雲未可留江魚竹筴簇行舟到來阿母  
應憐念遊子於今亦白頭

千里家山返舊踪天涯南北渺何從不知他日  
逢君處夢落吳山第幾峰

讀史一絕

成敗紛紛那可論乾坤老盡百年身燈前掩卷  
思劉項已作蝸牛戰後塵

送郭廣文還衛二首

十載風塵已白頭飄然歸去老滄洲蘇門山下  
春光好次第憑君拄杖遊

五斗何緣解綬歸浮雲世事總多違不如偃蹇  
山窓下獨看山花雨後飛

海棠

凌風仙子下瑤臺獨倚瑤闌萬蕊開最是雨餘  
風致好明朝還帶露華來

看倭刀

俠氣平生盡已消久將踪跡混漁樵無端此夜  
狂歌發又向燈前看寶刀

觀囚黃雀者感而賦此

年來踪蹟白鷗同已分行藏作海翁何事機心  
忘未了更看鳥雀下樊籠

贈別陳本容南歸滁陽二首

昨歲相逢首夏前殘春歸去又經年臺邊無限  
風雲色盡是鷺群帖裏傳

苑外秋聲霜葉紅不堪尊酒別元龍南歸携得  
中山頰更上瑯琊第幾峯

秋日喜胡郡丞過訪三絕

池塘夜雨藕花新有客相過興不倫怪我詞鋒  
偏滾：年來今遇賞心人

抱病朝來起尚遲驚傳小隊到茅茨野堂莫道  
無供給正是芙蓉花放時

道遠集身選 卷之九 二百五十五  
一曲茅齋隔市喧客來長日駐高軒踈狂阮籍  
君休厭儘有新詩可共論

秋園二首

蘆葉蕭蕭戰晚風白雲飛盡見晴空幽人坐起  
全無事獨倚高臺數過鴻

池臺隨處作湖山藜杖行遊白日間有客携琴  
時一鼓陽春飛入水雲間

胡郡丞作金錢校射有詩相贈奉答三首  
一夜霜風枯草翻追隨俠客具橐鞬彎弓欲試

雙鷗手獨倚高臺望廣原

校射臺前霜日微開弦白羽曉星飛不知誰有  
穿揚技當奪金錢馬上歸

啼猿射法幾人請羨爾能為借箸談不用臨塲  
穿一扎高才今有杜征南

桑落酒送胡郡丞

郡閣相望首重回離愁暫此託尊罍醉中不作  
還家夢一任梅花特地開

雪中招諸子飲

雪壓蓬門客未來野人拄杖獨徘徊春風莫道  
無消息一夜梅花萬樹開

邀占甫賞牡丹

沉香往事已蕭然詞客看花感謫仙醉裏清平  
堪有調歌兒莫負李龜年

無語臨風態自嘉枝：濃艷擁朝霞劉郎切莫  
輕評品不是玄都觀裏花

塞下曲十首上張督府肖甫

紫塞秋深萬馬閒受降城下款呼韓市中一醉

屠蘇酒稽顙遙辭大將壇

黃沙千里暮雲平刁斗轅門夜不驚一笑胡奴  
歸掌握驃姚不數漢時名

勒石燕然事總非何如杯酒解兵威秋風不動  
牙旗影笑指胡奴汗漫歸

少小胡姬學漢裝滿身貂錦壓明璫金鞭驕踏  
桃花馬共逐單于入市場

軍中無事日傳杯群從登臨擁上才何處張衡  
堪作賦側身時上李陵臺

胡騎紛紛市馬歸  
長城雲靜阜雕飛  
中丞獨有  
千年慮常向旄頭  
看夜輝

虎旅千群氣不驕  
臨觴長是感投醪  
和戎翻恨  
非良策時向陰山  
礪寶刀

落日鳴笳散虎羆  
黃金駿馬兩相宜  
獨憐一種  
關山月曾照蛾眉  
出塞時

羝馬長城冬日淒  
飛狐山下暮烟低  
揚鞭指顧  
成高詠和得  
文皇雪後題

千里論心未可期  
每從詞賦託相思  
却來尺素

河山外知是疆場罷市時

贈別姜國賢携新室還越省母二首

有客風流雅快吾  
花邊對酒更禱菰  
誰知一夜  
扁舟去載得西施  
入五湖

萬里寒江一棹迴  
黃金壽母綺筵開  
知君雅有  
并州意好逐桃花  
春水來

韋生有雄志為少年  
行三首壯之

扶風豪士日交驩  
半醉燈前共探丸  
袖中短劍  
虹蜺色何處逢人  
問馬肝

貂裘雪滿踏寒威薄暮南山射虎歸相逢醉尉  
無須問明日邊城羽檄飛

月滿長城戰色高涼州新酒瀉葡萄醉來斬得  
呼韓首直向河源洗寶刀

春日再得助甫晉陽書有東歸興賦寄三

首

一別雲山阻唱鼎帛書兩度下并州高情不是  
張平子何得懷人賦四愁

春風初傍塞雲飛處行山綠草肥正是彩毫

堪紀興馬蹄容易欲東歸

攬轡河西塞草寒遠遊期爾但加餐書生燕頤  
能譚武儘可崢嶸大將壇

為助甫悼雙姬三首

一夜驚風散楚雲舞衣雖在不成薰畫眉愁絕  
張京兆別有雙蛾未似君

並蒂名花掌上收等閑搖落晉山秋他鄉社日  
誰杯酒腸斷春風燕子樓

武陵桃艷委東風明月連城價已空莫向繁華

傷往事君家剩有五花驄

紫駟馬贈崔孝廉赴試

樂毅臺前春草生黃金往事總堪榮  
昂藏今有驂騑在紫鸞如雲不敢鳴

宗漢馬故歌兒侍寢次早戲贈

十載名花掌上新年來風雨總成塵  
劉郎誤向天台去滿地荆榛愁殺人

穆考功逍遙園集選卷之九終

穆考功逍遙園集選卷之十

門人文濟李民質

魏郡敬甫穆文熙著 門人德嚴崔邦亮

關中子興南師仲選 濠梁汝脩朱宗吉校

子仲裕穆光胤梓

詩類九

七言絕句一百四十六首

臨濮曲八首

祠屋蕭條濮水邊豪華何事自年年  
我來訝作

新豐里立馬平原未擬還  
金鞭處、踏長楊宛馬西來總作場不向瑤池  
看命駕誰知若個是飛黃  
空郊十里錦雲齊繚繞青天海日低似是武陵  
三月候桃花萬樹使人迷  
華嚴會裏賽初開簫鼓喧闐殷地雷歌舞只愁  
容易盡不知曉日照尊罍  
公子游閒百不憂腰間寶劍結吳鉤千金更市  
飛龍馬何處狹斜可縱遊

地至翩、自楚才當場邀客酒杯開談邊乍覺  
雄風起不放飛塵入座來  
隄外女郎踏落紅連翻共作綺羅叢周南學士  
無相訝此地由來是衛風  
花氣纏空望目遮黃金處、有琵琶總應收入  
詞人草千古西京一並誇

贈趙太守擢大梁觀察四首

畿南五載寄專城人道循良有次卿馬足不從  
梁苑轉千年誰復見河清



三輔由來帝股肱高才自合起  
穀名猶憐一葦黃河水不整  
相思別後情

孝王當日有平臺枚馬翩  
俱上才千載穀名寥落甚  
乘驄今日大夫來

使者乘風振羽翰除書才  
下萬人歡不須避暑重開  
宴已有霜風特地寒

伯完習靜閉關投贈四首

池臺倏爾罷徜徉只尺盈  
水一方無數榴花當綠酒  
傷心明日是端陽

柴門終日鎖烟霞觚管時  
開夢裏花楊子祇誇能識  
字不教門外有侯巴

槐陰歷亂午風輕鳥下閒  
階大篆成靜裏天機君自  
領閉門誰道是虞卿

讀罷黃庭時下樓櫪邊緩  
帶自夷猶若教愛馬同支  
遁神駿還當憶紫駟

再贈別魯川明府三首

詞翰風流鄭廣文酒杯常  
得接氤氳青檀不駐王喬  
履遙指雙鳧起暮雲

道遠園集選 卷之十 三十四  
旌旆搖々去路賒為郎喜得近京華玉屏一日  
名堪紀不使扶風數漢家  
平生僻性在江湖彩筆頻為作畫圖別後不堪  
重把玩時聞風雨落菰蒲

寄助甫

天邊何處問熊車夢裏搖々夜不虛萬里莫言  
關塞迥隔年三報故人書

荷池八首

經旬暑雨漫池塘筇杖俄然在水鄉習々荷香

飛不斷天風吹入芰荷裳

綠樹千章蔭假山草堂深倚藕花灣貪看野色  
忘歸去似覺吾生比鳥閒

石竇冷々響暗泉池頭人倚夕陽天漁舟六日繫  
垂楊下鼓柁今當賦采蓮

水石氤氳駐曉霞清芬元不等繁華人間何物  
堪同調俗殺六郎面似花

水色微茫過雨新曉來花意倍風神從教拋擲  
湖山外總是仙姿不受塵

霞色高城向晚披石橋危坐獨支頤水天不動  
花無語飛燕雕盤初下時  
花露盈々玉作團風流不用倚欄杆青蓮定悔  
清平調錯為君王賦牡丹  
花萼低垂玉露懸寒花吸露與悠然金莖浪說  
仙人掌不救相如病渴年

夏日寄楊道行

中天赤日可流金時有書來問盍簪譚到嵒湖  
華不注一時響動伯牙琴

雄飲當年自上才炎蒸吾已罷傳杯怪來一霎  
全無暑楚客遙傳白雪來

題西湖景

越王城下有西湖千載繁華寄畫圖我欲南遊  
看放鶴天風先與報林逋

仰遠遊蘇門山廻詩以嘲之二首

秋山迤邐錦林凋獨把瑤琴何處調流水調高  
人寡和蘇門風雨自瀟々

西臺使者愛烟巒拄杖危峯倒鶻冠興盡歸來

秋已老籬邊霜滿菊花團

夜坐

秋霄寐々咽清笳獨據胡床領月華  
司馬不須愁病渴金莖正瀉紫薇花

孝廉崔德嚴書屋有池蓮招客賞之戲贈  
露冷池荷粉未消一時朋輩此相招  
莫教誇向文園去有客秋來渴正饒

十年再晤汪生因訊胡金峰苑馬

天風鶴駕往來輕飛輓疆場棹背行  
世事從教

滄海變入門還自一狂生

樓護縱橫故有名重來漳水一班荆  
夜郎消息君知否又向空同問道行

贈琴士張子

馬上箜篌競狹斜江州止解賦琵琶  
可憐一種高山調誤殺人間幾伯牙

寄次峯別駕

半刺風流英妙時冰為肌骨水為姿  
從來玉貌偏承寵未許重勾八字眉

走筆答道行二絕

生事春來祇轆轤  
看花無復夢玄都  
詩來氣色當人起  
想見風流子大夫

昨日徵書下 帝都遙天何處不飛鳧  
彈冠自是須臾事珍重胡床擊唾壺

贈穆起吾內徵

長夏漳流走白濤 徵書北去五雲高  
風塵何物堪相贈匣裏還餘別駕刀

戲贈楊生

四明客子綠衣郎  
彩筆從師共擅場  
自倚繁華長作妬  
泣魚不信有龍陽

韶華二月艷群芳  
何限金鑣遊冶郎  
不分潘生曾擲果  
乘風便擬向河陽

寄商丘李廣文

高誼誰能驅古今  
各天風雨憶同心  
莫言郢曲無人和  
苜蓿齋頭好自吟

里中拜 聖節二首

東方曙色彩雲流  
三殿香飄紫氣浮  
弱水誰言

三萬里太平宮闕是瀛洲  
銀漢新迴博望槎紫微一望是京華  
天顏咫尺瞻猶見不道君門萬里賒

見杏花偃倚榆邊

花作嬌人樹作奴春風小寫姑蘇圖  
吳王舖讌西施舞柔態不勝欲倩扶

清明賞花

萬樹桃花照水紅花前敞讌興難窮  
不知誰妬陽春色忽作亭臺半夜風

投大冢宰楊公八首

幾年海內羨持衡曳履中朝首列卿  
投老何須論故事異人自有濟南生

青山海上暮雲遮想見春風萬樹霞  
正是掄材須大匠山中寄語小桃花

元老何妨鬢有絲功名晚歲更無期  
斗邊一種真人氣夜々遙連紫極垂

九塞聲名播遠人還將水鑑荅  
楓宸莫後吉甫談文武元宰於今是後身

道通園集選 卷之十 三五 二百五十一  
日觀峻嶒接上台海門東望出蓬萊此中不有  
元臣在千載誰當嶽降才  
主爵年來獨苦心不知華髮已盈簪門庭白日  
常如水何待重辭暮夜金  
華髮斑斕侍養辰慈闈長日坐生春報劉已遂  
陳情疏何限餘年事 主身  
嶺上桃花萬樹繁主人當日共朝昏如今海內  
憑栽植但向春風總不言

寄贈李于田言別

咫尺蒲陽隔暮雲江籬聊為託殷勤明朝綠草  
王孫路不分人爭御李君

二絕戲寫陳山人心事

瑤琴鼓罷復當壚玉手纖々世絕無最是當年  
王愷妬忍將如意碎珊瑚  
美人穀價重琅玕一夜驚風玉笋殘滿地槐花  
簾不捲獨將長袖倚闌干

寄訊李子田太史二首

金馬抽毫事久傳汝南星宿識才賢何來尺牘

能相憶同是青山著作年

沱水當年憶偶逢天涯別後杳難從南陽未許

龍長卧輸我逍遙石戶農石戶農堯時隱士

訊袁生坐禪四首袁生輕易談禪而所居為烏林又曾領兵南征

故調笑之

恒沙人去杳難還面壁達磨亦浪傳誰得如君

根氣厚等閑已到大羅天

平楚蒼然翳短垣道人跌坐自朝昏烏鳥千群

從結陣莫教鷲起意中獲

一榻蕭然共夜缸法輪輕轉水淙淙若教思起

南征事意海終宵戰未降

驃姚麾下舊稱豪斬將曾懸鷲鴉刀如今檢得

蓮花藏未許天龍認若曹

冬日邂逅見甫因憶助甫

中丞伯子擅風流興盡蘭山罷壯遊因爾遙知

消息好水邊新起綠波樓

寄呂岫雲二首

山河兩地隔行藏旂鼓中州亦杳茫最是神交



無近遠西風吹鴈下平陽  
壯志何年託簡編明珠滾滾握中傳竹林不必  
譚稽阮次第詞名到呂安

元日大雪六首東如全及故征南將袁生  
萬樹迷茫枝盡垂青山幻出碧琉璃人間自有  
婆娑界不是禪僧總不知

閉門終日苦禪棲佛在恒沙萬嶺西若知此際  
通銀海直到諸天路不迷

雪滿空堦絕點塵地爐火煖夜生春相如無復  
梁園意般若若旁邊自在身

空門長日演三車浪說優曇佛景佳雪意滿前  
君自見分明簾外散天花

只尺禪關道路難鶴衣狼藉擁蒲團洛陽日出  
無車馬獨有袁安卧不寒

淮蔡城邊捲夜旗千羣甲馬度鷺池如今雪滿  
空門外却是將軍問偈時

送肖甫還蜀六首

司馬風雲擁旆旌天涯想見

王恩榮一尊遙

款漳河外何限臨岐把臂情

洹水寒雲鬱不開六王曾此結盟來如今海內  
無兵氣儘可逍遙擁傳迴

廿載蜀山嗟未歸一時麟蟒換初衣蚕叢萬里  
巴江水此內憑君看釣磯

南北功名耀簡書拂衣歸去定何如茅屋城都  
今好在不妨人擬子雲廬

醴酒逢迎意已深相思有淚欲盈襟峨眉山月  
年年在萬里團圓是此心

七子才名鄴下傳龍沙萬里息風烟功成解印  
歸來早絕勝相如諭蜀年

塞下曲二首送黃太守赴安樂郡

武略家聲久著揚銅符今去綰遼陽匣中刀有  
王祥在更許何人弑虜王

手挽新章紫塞行呼韓爭得款三城祇綠鎖鑰  
能參佐海外人爭識次卿

張見甫過余園值大風夜歸有贈

鷓鴣聲中花事稀張郎過我款柴扉藥闌看罷

還驅馬一夜天風送爾歸

寄荅王孝廉二首

千年郵吏尚遺臺八斗人稱絕世才  
詞客有神憑寄語老夫拄杖欲東來

莊叟臺前水漫流閒情久已寄扁舟  
詩來動我飛揚意城濮從今戰不休

張見甫移紅藥官舍詩以調之二首

紅藥翻堦種：奇會心未許外人知  
只從移向齋頭去幾日張郎不畫眉

杜陵題後種偏嘉自合時看野老家  
最是移來君悞矣窓前始殺小莖花

二絕東李君實

柴門鎮日鎖烟霞獨把玄經對碧紗  
最是子雲甘闕寐每因奇字識侯芭

楚客修髯迥不群詞名海內動相聞  
未知盟主今誰是手把青萍一問君

戲贈矮人

十載侏儒託後身青衫和帽兩平分  
若教置向

傀儡畔悲喜隨人最是君

與客登樓

小樓上與白雲齊  
徑路紆迴東復西  
不必桃花溪水上  
遊來亦自使人迷

山亭與王徐二君論詩二首

百尺藤蘿蔭假山  
抽毫客子幾躋攀  
踏殘石勢無尋處  
只在松風鳥語間

石勢平臨溪水涯  
山亭雅與客情宜  
新詩莫怪吟難就  
珍重詞場遇鼓旗

午日附荅張見甫海品二絕

佳節蒲尊趁曉風  
傳來海錯意無窮  
安能共向池頭飲  
小作龍舟競渡雄

書札翩翩意已勤  
那堪異味更紛紜  
當年侍從餘紉扇  
報尔聊為誇細君

肅李廣文

鴻鴈蕭々集遠林  
憂時那敢惜黃金  
故人莫笑床頭盡  
尚有肅知一寸心

來詩言助賑事

以佩劍鉄如意貽傅侍御二首

古劍匣藏歲已深每從風雨作龍吟燕丹門下  
鼎知客一綫寒光是此心

金谷豪華事有無一時王愷泣珊瑚千年故物  
提携在把贈無勞擊唾壺

贈門人韓晉勳司理德安六首

霜落黃河秋氣清太微遙傍翼分明沅江有恨  
千年在到日先當理屈平

客子南遊入郢中江天文藻意何窮由來好曲  
人稀和未許陽春調獨工

裘馬翩翩氣色新况逢小至屬佳辰憑將一線  
宮中日散作湘潭無限春

皇華節使憶當年赤壁曾停月下船過眼河山  
歸夢想憑君傳語寄坡仙

章華臺壓楚江干臺下江流淼寒由來勝地  
名偏起海內人願識韓

雲夢天寒日色幽湘流不盡古今愁定知司理  
平反後無復南冠泣楚囚

寄王孝廉二首

已向靈光識異才，懷人復此寄新裁。  
茅堂乍覺春風滿，一夜梅花特地開。

詩句翩翩總大家，握中今喜見靈蛇。  
不須更作芙蓉調，隔歲長安有杏花。

贈徐山人二首

英煖堯堦日色微，故人遠道問魚磯。  
平原十日今堪飲，湖海相逢是布衣。  
有客携來白鹿圖，長年祝我躋仙符。  
不知仙骨人人在，但向玄關自結趺。

走筆寄張夢夔

蜀人揚馬不群才，藉甚聲名漳水隈。  
信是工文官自起，九重今有壘書來。

花下贈李生

池臺行盡復登樓，高下憑君汗漫遊。  
野夫自是忘機者，借爾花前作海鷗。

詠麥飯

炎劉帝業已垂成，生死猶啣麥飯情。  
青史閱殘腸欲斷，古今何但一馮生。

李文濟工部自馬鞍山後還每譚其險絕  
又自雄得禪家金杵能伏諸魔乃酒酣  
忽爾失足墜橋下調以二絕

小橋風致出人寰潦倒一尊坐夜闌誰言醴酒  
難成醉有客臺前倒玉山

池臺高下任躋攀履齒翻然瞬息間信是羊腸  
行處有不須重說馬鞍山

曹生見過解鉄如意贈之有作

匹馬翻々踏早秋相逢一笑解吳鉤人間誰有

不平事怪爾提携汗漫遊

寄子厚宗侯兼悼允治吏部

帝子何人最賞心山濤文藻重南金友彀集在  
難堪把無限山陽笛裡音

振峰侍御按甘肅過里索余籍數種四首

驄馬昂藏出武關霜威萬里被臯蘭當時反側  
誰稱亂白簡看君馬上彈

觀風迤邐到河源刁斗一時盡罷誼紫氣關門  
如有待可誰重著五千言

河山百二待鳴珂太史龍門攬轡過文事此中  
應不淺書來慚愧問編摩

使者西行撫劔鐔一時散價等南金秦中自古  
饒龍種珍重孫陽相馬心

讀廉渠喬梓詩却贈二首

尺書遠下大河隈起色盈々掌上來白雪調高  
難屬和梁園今有長卿才

長安人避五花驄藝苑兼能擅國工尊酒逢君  
何日是相期把劔說雄風

寄邢臺朱尹

白鴈聯翻度上林如何尺素等南金故人愁絕  
東籬下折得黃花寄寸心

白雪吟七首

遲鴻臺上雪漫漫蠟屐登臨只尺難笑我尪羸  
翻多興扶藜早已踏層巒

大地寒風作雪來小園高下見崔嵬何人識得  
王恭意鶴氅逍遙句自裁

小山壓雪勢騰凌病骨軒然興可乘郢中空有



千年調屬和慚余尚未能  
搖風竹葉響珊珊林樹糝糊失假山此中戴子  
饒風致未許王猷夜半還  
高臺處處散瑤華風致頻年此際佳最是文園  
偏借爾竹爐風雨自烹茶  
當年雪裡恣歡呼何限高陽舊酒徒白雪依然  
人已盡家山合自管狂夫  
梅花岩下雪紛紛雪與梅花總不分折得一枝  
還自喜賞心今有羅浮君

雪中簡區令

正苦怕暘鬱未開偶然飛雪滿池臺不緣地主  
羅浮客那得梅花萬樹開

題存杏軒卷二首

萱草堂空事可嗟每從中夜感啼鴉庭前手澤  
情堪寄時有春風到杏花  
蘇李交遊誼總深瑤編把對不堪吟西風莫掩  
高虞淚文杏花开是此心

吳草堂客龍興寺尋遊上黨贈之四首

雙樹陰々護法堂遠公時與對禪床不須更問  
摩尼信握裏靈蛇是夜光

馬首青山碧四圍囊中瑤瑟貯音徽山城人倡  
關山曲只恐湘靈調却非

長城胡馬淨不驕帝子崇文翰墨饒此中俠少  
多猿臂未可相逢為畫鵬

銅鞮西望亦雄哉白髮探竒志未摧博物定知  
君子產不妨太史問駘臺

以鉄如意贈吳生西行二首

石家園裏舊風流解贈吳郎壯遠遊即此鼎恩  
心便是千金枉自說純鈎

提携千里上飛狐指顧燕然意有無却笑季倫  
無遠畧徒令玉愷泣珊瑚

里中邂逅李于田學憲五首

只尺休歌行路難河山千里望中看絃歌舊日  
三千士花裡須君上講壇

禪草千年集岱宗至今輦道有秦松竒觀更在  
千盤上白馬吳門若可逢

秦觀峯高倚碧空巨靈千古鑿鴻濛探竒我欲  
從君去夜看扶桑海日紅  
吳札千年詠大風濟南今得擅詞雄共言二李  
堪方駕不獨明經推馬融  
老驥長嘶齊道旁何人能憶奮昂葳如君相馬  
稱神識不淺驂騑遇九方

題存杏堂

阿母堂前杏已滋周南太史采風時 皇情純  
孝高千古定得臨軒一問之

贈張平子之長安

歌兒西去意翩翩舞袖桃花一色鮮到日休嗟  
供奉曲只愁妬殺李龜年

穆考功逍遙園集選卷之十終

Blank columns for text.



